

## Tuhaagakhat

Qilamtuqumik Piyakhaq

### Qayangnatqiaq ihuatqiaq immiqtaghat immaq hapkununga Tikiraryuaqmiunun inungnun

Tikiraryuaq, Nunavunmi, Niqiliqivik 25, 2017-Immiqtaqvik halumayuq ihuaqtuq imigahaq immaq pidjutauyuq aaniaqtailiniqmun pipkainiaqtuq hapkununga Ukiuqtaqtumi nunallaanun. Maniliqtuiniq immiqtaqnikkut hanaqidjutighaq ikayuutauyuq qayangnaqhilugu inuuhiqqattiaqniq Ukiuqtaqtuqmiunun, munagiblugu avatingnit uvalu pihimalugit nunallaavut aaniaqnaitumik inuuvigiyangani.

Ublumi, Nanngagiyayuq Amarjeet Sohi, Minista Igluqpinikkut uvalu Nunallaanun, uvalu Nanngagiyayuq Joe Savikataaq, Ministauyuq Nunalingni Kavamatkunnilu Pivikhaqautikkut, tuhaqtityut \$500,000taalamik katitirhimayuq manikhat haffumunga Tikiraryuaq Qilamtuqnikkut Immiqtaqvikkut havaaghat.

Kingungani pingahut ukiut Tikiraryuaq pidjutiqaqtut pugiqhiblutik immaqmik atuqtilugu auyami tatqiqhiutit pidjutauyuq angiyuq aktilaanga halumailguq paqitayuq immigahaini immaqmin. Manighaq tuhaqtitauyut ublumi havaktaghamut iliugaqtauyughat agyagiaqaqtun imiqtaqvikhaq halumaqhidjut kitut atuqtitinaqtut pingahunik iluani halumaqhidjutinik halumaqhitip halumaqhidjutaanun. Nunavut Kavamanga ihivgiuqhiliqtut hivituyumik-auladjutighaanik uqautigilugu immakkut halumaqhidjutikkut ayuqhautaanun. Atuliqtaukpat, agyaqtaqtuq immaqmik halumaqhidjutl, tutquqtauhimayuq ataani Kavamatkut Kanatami Mikiyut Nunallaat Manighaat, piinagialaqtuq qilamik kiuyauluni aalanun imigahanun immaqunun qilamtuqtunun Nunavunmi.

## Uqaqtayut

“Ublumi tuhaqtidjutit pidjutauyut aghuuqnaqtunik atugahanik mighaagun piyaangini Tikiraryuaqmiut inuit piqagiangini pinagiaqaqtumik halumayumik imigahamik immaqmik ukiuq-tamaat. Una maniliqtuidjut Tikiraryuaqmiut Qilamik Immiqtagvikkut Havaaghaq auladjutauyuq aalangayuq ihagiagiyaat ukiuqtaqtumi nunallaat, munagiblugu avatingnit uvalu ihuaqhiyuumiqhugu qanuginia inuuhiit Nunavunmiun.”

*Nanngagiyayuq Amarjeet Sohi, Minista hapkununga Igluqpinikkut Nunallaanun*

“Quviahuktugut iligiiqatigiblugit Kavamatkut Kanatami tunihyaami nutaamik immakkut halumaqhidjutighaanik hapkua Tikiraryuaqmiun. Nutaaq halumaqhidjut angiyumik angikliyuumiqtuq qanuginia immaq inungnun pugihigiaqaguiqlutik tadjamin immaqmik halumaqhidjut nutanguqtaukpat. Pipkainiq angiyumik qanuginianik immigahap immaq hapkununga inungnun Tikiraryuaqmiut. uvalu Nunavunmiunun tamaini aviktuqhimayumi, aghuuqnaqtuq tikinahuagaq hapkununga Nunalingni Kavamatkunnilu Pivikhaqautikkut

*Nanngagiyayuq Joe Savikataaq, Minista hapkununga Nunalingni Kavamatkunnilu Pivikhaqautikkut*

## Qilamik Naunaitkutighat

- Kavamatkut Kanatami tunihiliqtut \$375,000 taalamik haffumunga havaaghamut haffumuuna Mikiyut Nunallaat Manighait, uvalu Kavamatkut Nunavunmi tunihiniaqtut \$125,000taalamik
- Kanatam Kavamangit tunihiniaqtun avatquhimayumik taima \$180 billion tallamik talvunga napadjutikharnik maniktarvikharnun taima 12nik ukiunganik nunalaani atuqtauyukharnik, ihuatqiyauyunik napadjutikharnik, nunalaani iglukharnik, ingilradjutikharniklu ikayuutiniaqtun himiqtautikharnik, unalu Kanatam nunagiyaingit tununganiituniklu nunallaangit
- \$21.9 biliataala una manik ikayuutauniaqtuq nakuuniqaqtunik aulapkaitjutikhanik havaktauyukhanik, ilauyut \$5 biliataala piinagialaqiniaqtuq manighaq hapkunuuna Kanatami Igluqpinikkut Maniliqiviit.
- \$2 biliataala haffuma mania ikayuutauniaqtuq nakuuniqaqtunik aulapkaitjutikhanik havaktauyukhanik pidjutauyut aalangayut ihagiagiyaayut unghiktumin uvalu ukiuqtaqtumi nunallaat imatun igqpait ikayuutighat niqiniq hungiqnaidjutighanik, nunamingni apqutighanik uvalu ihuaqhiyuumiqlugit angiyumik atadjutit. Una manik ilaqatuq \$400-miliataala Ukiuqtaqtumi Auladjutikkut Manik ihuaqhiyuumigianganani auladjutit aviktuqhimayuni.

## Ilauyut Qaritauyaliqidjutikhangit

[Kavamatkut Kanatami \\$180-biliataala unalu igluqpinikkut upalungaiyaut uvani Manighami 2017](#)

[Kanatma igluqpangit manikhangit talvani Nunavunmi](#)

[Mikiyut Nunallaat Maniktaqvighaat](#)

[Nunallaani Igluqpinikkut Nunavunmi](#)

-30-

## Hivayagiaqaqtun

### Brook Simpson

Taigualiuqtit Titiraqtia

Havagviat Ministauyuq Aulapkainikkut Napadjutikharnik Nunallaanilu

613-219-0149

[brook.simpson@canada.ca](mailto:brook.simpson@canada.ca)

### Kris Mullaly

Atugakhanut Naunaiyaiyi Tuhagakhaliriyi

Kavamangat Nunavut

867- 975-5342

[kmullaly@gov.nu.ca](mailto:kmullaly@gov.nu.ca)

### Napaqtiliqiyiyuyut Kanatami

613-960-9251

Akiligakhaittumut: 1-877-250-7154

Email: [infmedia@canada.ca](mailto:infmedia@canada.ca)

Twitter: [@INFC\\_eng](https://twitter.com/INFC_eng)

Qagitauyaliqivikkut: [Napaqtiliqiyiyuyut Kanatami](#)